



史記會注考證

[漢] 司馬遷◎著 [日] 泷川資言◎會注考證

【貳】

| 高清影印本 |



新世界出版社
NEW WORLD PRESS



史記會注考證

THE HISTORY OF CHINA WITH NOTES AND CRITICISMS

[卷三]

（漢書卷之三）

史记会注考证

司马迁◎著

〔日〕泷川资言◎会注考证

【貳】



新世界出版社

NEW WORLD PRESS

史記會注考證卷六

漢 太 史 令 司 馬 遷 撰

宋 中 郎 外 兵 曹 參 軍 裴 駰 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

日 本 出 雲 瀧 川 資 言 考 證

秦始皇本紀第六

史記六

考證 史公自序云、始皇既立、并兼六國、銷鋒鑄鏑、維偃干革、尊號稱帝、矜武任力、二世受運、子嬰降虜、作始皇本紀第六、愚按、始皇之時、史職不廢、蕭何所收圖籍、史公或

及觀之、故此紀特詳楊慎曰、始皇二世紀、始見太史公筆力、始

秦始皇帝者、秦莊襄王子也。

索隱 莊襄王者、孝文王之中子、昭襄王之孫也、名子楚、按戰國策、本名子異、後爲華陽

夫人嗣、夫人楚人也、

莊襄王爲秦質子於趙。

正義 質、音致、國疆欲待弱之來相事、故遣子及貴臣爲質、如

上晉、國弱懼其侵伐、令子及貴臣往爲質、音直、實反、又二國敵亦爲交質、音致、左傳云、周鄭交質、王子狐爲質於鄭、鄭公子忽爲質於周是也、**考證** 中井積德曰、質字、不因強弱

異音義、見呂不韋姬、悅而取之。

索隱 按不韋傳云、不韋陽翟大賈也、其姬正義非、見呂不韋姬、悅而取之。邯鄲豪家女、善歌舞、有娠而獻於子楚、

考證 姬者周姓、古時男子稱氏、婦人稱姓、齊姜宋子、亦猶然也、姬是貴盛之族、生始故後世以爲婦人美稱、梁玉繩曰、稱妾爲姬、其誤、始于周末、史公亦隨俗書之、

皇。以秦昭王四十八年正月生於邯鄲。及生名爲政。姓趙氏。

集解 徐廣曰、一作正、宋忠云、以正月旦生、故名正、**索隱** 系本作政、又生於趙、故曰趙政、一曰秦與趙同祖、以趙城爲榮、故姓趙氏、**正義** 正音政、周正建子之正也、始皇以正

月旦生於趙、因爲政、後以始皇諱、故音征、**考證** 顧炎武曰、姓氏之稱、太史公始混而爲一、故本紀於秦始皇則曰姓趙氏、於漢高祖曰姓劉氏、愚按秦紀曰、周繆王以趙城封造父、造父族由此爲趙氏、是秦之所以氏趙、淮南人間訓、秦王趙政、兼吞天下而亡、高誘注、始皇生於趙、故曰趙政、與索隱前說皆非、中井積德曰、注正月之下加旦字、恐臆斷、夫名

正者，以月不以日。年十三歲，莊襄王死，政代立爲秦王。

考證顧炎武曰：天之行謂之歲，人之行

謂之年，古人但曰年幾何，不言歲也。變之自太史公始。梁玉繩警記引錢廣伯云：孟子鄉人長於伯兄一歲，趙策太后曰：年幾何矣？對曰：十五歲矣，則言歲不始太史公。

當

是之時，秦地已并巴蜀漢中，越宛有郢，置南郡矣。北收上郡

以東，有河東、太原、上黨郡，東至滎陽，滅二周，置三川郡。呂不

韋爲相，封十萬戶，號曰文信侯，招致賓客游士，欲以并天下。

李斯爲舍人。

集解

文穎曰：主廄內小吏官名，或曰侍從賓客，謂之舍人也。考證中井積德曰：李斯是文信侯之舍人，非秦王之臣，後事秦王。

則爲長史矣。陪臣往往稱舍人，非職掌定名。

蒙驁主騎。

集解

徐廣曰：一作駝。索隱蒙驁齊人，蒙武

大夫陵伐趙者。

正義

騎，魚綺反。劉伯莊云：音綺，後同。考證

作駝是也。庶公等爲將軍。

集解

應劭曰：庶，秦邑。索隱庶公，蓋庶邑公史。

失其姓名。

正義

庶，彼苗反。蓋秦之縣邑。大夫稱公，若楚制。考證

沈濤曰：漢韓勅碑陰，有故涿郡太守魯庶次公，故樂安相魯庶季公。秦漢時自有庶姓，史特失其名耳。公，如碑陰，

公泄公。

王年少，初卽位，委國事大臣。晉陽反。元年，將軍蒙驁擊

定之。

考證張文虎曰合刻本每年提行後人取便檢閱耳舊刻游本皆連前文毛本此紀亦連

二年、庶公將卒攻卷、

斬首三萬。

正義將子匠反卒子必反卷丘員反**考證**梁玉繩曰秦昭三十四年已取魏卷何煩此時攻之疑卷字誤愚按古鈔南本卷作權

年、蒙鶩攻韓取十三城、王齕死。

考證表十三城作十二城、蒙恬傳韓世家同此紀

十月、將

軍蒙鶩攻魏氏、陽有詭。

集解徐廣曰陽音場**索隱**音暢魏之邑名

歲大饑、四年、拔陽

有詭、三月軍罷、秦質子歸自趙、趙太子出歸國、十月庚寅、蝗

蟲從東方來蔽天。

考證表十月作七月程一枝曰今本七作十誤黃式三曰十月無蝗

天下疫、百姓內

粟千石、拜爵一級。

考證內粟拜爵始此徐孚遠曰秦人重爵除吏復家故不輕賜爵漢則賜民多矣然亦稍輕不得爲吏也入粟千石比

一首級其重爵可見方苞曰平準書民多買復及五大夫徵發之士益鮮則民納粟拜爵求免徵發也

五年、將軍鶩攻魏定酸

棗。

集解地理志陳留有酸棗縣**正義**括地志云燕虛長平**集解**徐廣曰酸棗故城在滑州酸棗縣北十五里古酸棗縣南一作干闥案地理志汝南有長平縣也**索隱**二邑名春秋桓十二年會于虛又戰國策曰拔燕酸棗虛

桃人桃人亦魏邑虛地今闕蓋與諸縣相近按今東郡燕縣東三十里有故桃城則亦非

遠正義燕、烏田反。括地志云：南燕城，古燕國也。滑州昨城縣是也。姚虛在濮州雷澤縣東十三里。孝經援神契云：帝舜生於姚墟，即東郡也。長平故城在陳州宛丘縣西六十六

里。**雍丘山陽城。**集解地理志：陳留有雍丘縣，河內有山陽縣。正義雍於用反。汴州縣。皆拔之，取二十城。

考證蒙恬傳但云：攻魏取二十城。梁玉繩曰：秦中君傳：上秦昭王書，有拔燕、虛、酸、棗之語，則此三城已於前三十餘年取之矣。或者是時因拔長平、雍丘、山陽，而復定三城之疆界。與初置東郡。冬雷。六年，韓、魏、趙、衛、楚共擊秦，取壽陵。秦出兵。

五國兵罷。

正義徐廣云：壽陵在常山。按本趙邑也。考證館本考證云：趙世家悼襄王元年，龐煖將趙、楚、魏、楚之銳師攻秦，秦不拔。此云：取壽陵，所將

之師，一作衛，一作燕，亦不同。翟灝曰：衛微弱僅存，被秦迫逐，徙居野王，將救亡不暇，何敢攻秦？蓋燕、楚、趙、魏、韓五國伐秦耳。此紀誤以衛替燕，而趙世家誤脫韓也。至取壽陵之說，更非無論不勝而罷，未嘗取秦寸土，而五國所攻者，乃新豐之葦，非壽陵也。拔衛迫東郡。其君角率其支屬，徙

居野王，阻其山以保魏之河內。

考證館本考證云：此是衛元君十二年，不名角。沈家本曰：角字疑衍。姚範曰：

白起於昭王時已降韓之野王矣。此蓋秦人徙衛君於野王。七年，彗星先出東

方，見北方。五月，見西方。

正義彗，音似歲反。見，並音行。練反。孝經內記云：彗出北斗，兵大起。彗在三台，臣害君。彗在太微，君害臣。

羣在天獄諸侯作亂所指其將軍驚死以攻龍孤慶都。集解徐廣曰慶都大惡羣在日旁子欲殺父一作庶正義括

地志云定州恆陽縣西南四十里有白龍水又有挾龍山又定州唐縣東北五十四里有孤山蓋都山也帝王紀云望堯母慶都所居張晏云堯山在北堯母慶都山在南相去五

十里北登堯山南望慶都山也注水經云望都故城東有山不連陵名之曰孤孤都聲相近疑卽都山孤山及望都故城三處相近考證李笠曰此語倒裝謂將軍驚以攻龍孤

慶都死也還兵攻汲。考證中井積德曰四字屬上句彗星復見西方。正義復扶當反見行見反十

六日夏太后死。索隱莊襄王所生母正義子楚母也考證梁玉繩曰死當依表作薨八年王弟長安

君成蟜。正義蟜音紀兆反成蟜者長安君名也號爲長安君將軍擊趙反。正義將如字將猶領也又子匠反死屯

留。正義括地志云屯留故城在潞州長子縣東北三十里漢屯留吁國也軍吏皆斬死遷其民於臨洮。

索隱臨洮在隴西正義臨洮水故名臨洮洮州在隴右去京千五百五十一里言屯留之民被成蟜略衆共反故遷之於臨洮郡也將軍壁死。

正義壁邊覓反言成蟜自殺壁壘之內卒屯留蒲鶮反戮其屍。集解徐廣曰鶮一作鶮屯留蒲鶮皆地名也壁于此地時士

卒死者皆戮其屍。索隱高誘云屯留上黨之縣名謂成蟜爲將軍而反秦兵擊之而鶮壁於屯留而死屯留蒲鶮二邑之反卒雖死猶皆戮其屍鶮古鶮字正義卒子忽反鶮

音高注同蒲鵠皆地名考證此節文義難解注亦欠明錢大昕曰辟與蒲鵠皆似人名辟乃討成蟜之將軍辟死而部卒又叛因更戮其屍耳梁玉繩督記引許周生云反下衍

死字漢志無王弟長安君成蟜將軍擊趙反屯留軍吏皆斬遷其民於臨洮此爲一事據漢書五行志所引止此可證以下別爲一事壁當將兵在外者前所衍死字疑當在蒲鵠

反下將軍辟死卒屯留蒲鵠反戮其屍蓋蒲鵠屯留人聞遷屯留民懼禍及己故因將軍之死而反反亦即死故戮其屍也愚按徐氏測義館本考證梁氏志疑皆有別解錢許二

說較長河魚大上索隱謂河水溢魚大上平地亦言遭水害也即漢書五行志劉向所謂豕蟲之孽明年嫪毐誅魚陰類小人象正義始皇八年

黃河之魚西上入渭渭水也漢書五行志云魚者陰類臣民之象也十七年滅韓二十六年盡并天下自滅韓至并天下蓋十年矣周本紀云十年數之紀也天之所棄不過其

紀明關東後屬秦輕車重馬東就食集解徐廣曰一無此重字索隱言河其象類先見也魚大上秦人皆輕車重馬竝就食於東言

往河旁食魚也一云河魚大上爲災人遂東就食皆輕車重馬考證洪水汎濫民不能居皆輕車重馬東徙就食也嫪毐封爲長信侯

予之山陽地令毐居之索隱嫪姓毐字按漢書嫪氏出邯鄲王劭云賈侍中說秦始皇母予嫪毐淫坐誅故世人罵淫曰嫪毐

也正義嫪毐上躬虬反下酷改反予音與括地志云山陽故城在懷州修武縣西北大行山東南宮室犬馬衣服苑囿馳獵

恣毐事無小大皆決於毐又以河西太原郡更爲毐國集解徐廣

曰河、一
九年、彗星見。或竟天。攻魏垣、蒲陽。正義垣作垣、垣音袁、括地志云故垣城漢縣治、本魏王

垣也、在絳州垣縣西北二十里、蒲邑故城、在隰州縣北四十五里、在蒲水之北、故言蒲陽、即晉公子重耳所居邑也、考證梁玉繩曰六國表魏世家作垣蒲陽衍三城此脫書衍、

然攷秦昭十八年取魏垣、是河東之垣也、而春申君傳上昭王書又有并蒲衍首垣之語、是開封之長衍也、則垣有兩地、已與衍俱爲昭王所拔、奚待始皇九年復攻此與年表世

家同誤、蓋此時但當言攻魏、蒲陽耳、垣與衍皆屬美文、四月、上宿雍。集解蔡邑曰上者尊位所在也、刪案司馬遷記事常言帝則依違但言上不

敢喋言尊尊之意也、考證張文虎曰上下文皆稱王、此不當忽稱上、上蓋王之爛文、己酉、王冠帶劍。集解徐廣曰年

音灌禮記云、年二十而冠、按年二十一也、考證秦記于二十二歲冠、蓋變禮也、徐廣云二十二者、以踰年改元計也、正義云二十一者、以當年改元計也、徐說爲是、長

信侯毒作亂而覺、矯王御璽及太后璽、以發縣卒、及衛卒、官

騎、戎翟君公舍人、集解蔡邕曰御者進也、凡衣服加於身、飲食入於口、妃妾接於寢、皆曰御、御之親愛者曰幸、璽者印信也、天子璽白玉、

螭虎鈕、古者尊卑共之、月令曰、固封璽、左傳曰、季武子璽書、追而與之、此諸侯大夫印、稱璽也、衛宏曰、秦以前、民皆以金玉爲印、龍虎鈕、唯其所好、秦以來、天子獨以印稱璽、又獨稱

以玉、羣臣莫敢用、正義崔浩云、李斯磨和璧作之、漢諸帝世傳服之、謂傳國璽、韋曜吳書云、璽方四寸、上句交五龍、文曰受命于天、既壽永昌、漢書云、文曰昊天、天之命、皇帝壽昌、

按二文不同，漢書元后傳云：王莽令王舜逼太后取璽，太后怒，投地，其角小缺。吳志云：孫堅入洛，掃除漢陵廟，軍於甄官，并得璽，後歸魏。晉懷帝永嘉五年六月，帝蒙塵平陽，璽入前趙劉聰，至東晉成帝咸和四年，石勒滅前趙，得璽，穆帝永和八年，石勒為慕容俊滅，漢陽太守戴施入鄴，得璽，使何融送晉傳宋，宋傳南齊，南齊傳梁，梁傳至天正二年，侯景破梁，至廣陵，北齊將辛術定廣陵，得璽，送北齊，至周建德六年正月，平北齊，璽入周，周傳隋，隋傳唐也。卒子忽反，下同。考證：中井積德曰：不可以漢制解秦文，又曰：正義李斯以下始皇稱帝以後事，不可以解秦王時事，又曰：正義永和八年下石勒，訛是時石勒死已十八年矣。錢大昕曰：慕容俊即慕容皝，是歲皝滅冉閔，非石勒也。張照曰：梁無天正年號，侯景破梁為簡文帝大寶元年，則天正是大寶之誤。將欲攻斬年宮為亂。

集解 正義 地理志：斬年宮在雍城，西故城內。王知之，令相國昌平君、昌文君發卒攻毒，戰咸陽。

斬年宮在岐州。王知之，令相國昌平君、昌文君發卒攻毒，戰咸陽。

斬首數百，皆拜爵。及宦者皆在戰中，亦拜爵一級。

索隱 昌平君、楚之公子。

立以為相，後徙於郢。項燕立為荆王，史失其名。昌文君名亦不知也。正義：括地志云：咸陽故城亦名渭城，在雍州北五里。今咸陽縣東十五里。秦孝公已下，竝都此城。始皇鑄金人十二於咸陽，即此也。考證：李

毒等敗走，即令國中，有生得毒，賜錢

百萬，殺之五十萬。盡得毒等衛尉竭。

集解 漢書百官表曰：衛尉秦官。

內史肆

佐弋竭

集解漢書百官表曰秦時少府有佐弋漢武帝改爲俠飛掌弋射者

中大夫令齊等

正義令力

政反中大夫令

秦官也齊名也二十人皆梟首

集解縣首於木上曰梟考證梟首始見乎此

車

裂以徇滅其宗

正義說苑云秦始皇太后不謹幸郎嫪毐始皇取毒四支車裂之取兩弟撲殺之取太后遷之咸陽宮下令曰以太后事諫

者戮而殺之蒺藜其脊諫而死者二十七人茅焦乃上說曰齊客茅焦願以太后事諫皇帝曰走告若不見闕下積死人耶使者問焦焦曰陛下車裂假父有嫉妬之心褻撲兩弟有不慈之名遷母咸陽有不孝之行蒺藜諫士有桀紂之治天下聞之盡瓦解無向秦者王乃自迎太后歸咸陽立茅焦爲傳又爵之上卿括地志云茅焦滄州人也考證秦本紀商君傳竝云秦惠王車裂商君以徇及其舍人輕者爲鬼薪**集解**應劭曰取薪給宗蓋古轅刑之遺轅刑見于周禮及左傳

家房陵

正義括地志云房陵卽今房州房陵縣古楚漢中郡地也是巴蜀之境地理志云房陵縣屬漢中郡在益州部接東南一千三百一十里也

考證

崔適曰依下文迎太后於雍房陵下常有遷太后於雍五字

四月寒凍有死者

正義四月建巳之月孟夏寒凍民有死者以秦法

酷急則天應之而史書之故尙書洪範云急常寒若孔注云君行急則常寒順之考證梁玉繩曰上文已書四月則此爲重出豈因寒不以時重書以見異耶史詮云當更曰是

月、楊端和攻衍氏。

正義索隱端和秦將衍氏魏邑

彗星見西方、又見北

方、從斗以南八十日、十年、

集解徐廣曰甲子、

相國呂不韋坐嫪毐免、桓

騎爲將軍、齊趙來置酒、齊人茅焦說秦王曰、秦方以天下爲

事、而大王有遷母太后之名、恐諸侯聞之、由此倍秦也、秦王

乃迎太后於雍、而入咸陽、

集解

說苑曰、始皇帝立茅焦爲傅、又爵之上卿、太后大喜曰、天下亢直、使敗復成、安秦社稷、

使妾母子復相見者、茅君之力也、

考證

集解

復居甘泉宮、

集解

徐廣曰、表云、咸陽南宮也、考證

秦紀及三輔黃圖皆云、始皇二十七年、作甘泉宮、徐說可從、今本表闕南宮二字、

大索逐客、李斯上書說、乃止逐

客令、

考證

事發於韓人鄭國鑿渠、李斯所引、有取韓之議、詳見河渠書李斯傳、

李斯因說秦王、請先取韓

以恐他國、於是使斯下韓、韓王患之、與韓非謀弱秦、大梁人

尉繚來說秦王曰、以秦之彊、諸侯譬如郡縣之君、臣但恐諸

侯合從、翕而出不意、此乃智伯夫差、湣王之所以亡也。

考證 崔適

曰尉僚以官爲姓、愚按漢書藝文志、雜家有尉僚二十九篇、蓋此人作、隋志雜家尉僚子五卷、梁惠王時人、與此別人、張文虎曰御覽引彊下諸上有視字、李笠曰御覽七百二十

九引無翕字、翕疑即合字之複出耳、願大王毋愛財物、賂其豪臣、以亂其謀、不過亡

三十萬金、則諸侯可盡。

考證 沈欽韓曰、秦策有頓弱、說秦王資萬金、東游韓魏、入其將相、北遊燕趙而殺李牧、正與尉繚謀同、

頓弱與尉繚乃一人、記異耳、呂祖謙曰、尉繚之計、與李斯同、前此、唐睢之散合、後此、陳平之間項羽、以金啗之術、每用、秦王從其計、見尉

繚亢禮、衣服食飲與繚同。

考證 亢禮、敵等之禮、

繚曰、秦王爲人、蜂準長

目、摯鳥膺、豺聲、少恩而虎狼心。

集解 徐廣曰、蜂一作隆、正義 蜂、字逢反、準、章允反、蜂、蠶也、高鼻也、文穎曰、

準、鼻也、驚鳥、膺、突向前、其性悍勇、居約、易出人下、

正義 易、以政反、言始皇居儉約之時、易以謙卑、考證 易、猶輕也、約、窮困也、論語、不仁

者不可以久處約、得志亦輕食人。

正義 言始皇得天下之志、亦輕易而啖食於人、考證 得志、得志於天下也、中井積德曰、得志是居

約之反、輕、猶易也、皆川愿曰、輕、食人、言與久游則必爲其所害也、我布衣、然見我常身自下我、誠使秦

王得志於天下，天下皆爲虜矣。不可與久游。乃亡去。秦王覺，

固止，以爲秦國尉。

正義：若漢太尉大將軍之比也。考證：張文虎曰：御覽引布衣下有也字，固止下有之字。

卒用其

計策，而李斯用事。十一年，王翦、桓齮、楊端和攻鄴，取九城。王

翦攻闕與、燎陽。

集解：徐廣曰：燎音老，在并州。正義：漢表在清河十三州志云：燎陽，上黨西北百八十里也。

皆并爲一

軍。翦將十八日，軍歸斗食以下。什推二人從軍。

集解：漢書百官表曰：百石以

下有斗食，佐史之秩。索隱：言王翦爲將，諸軍中皆歸斗食以下，無功佐史，什中唯推擇二人令從軍耳。正義：一曰：得斗粟爲料。考證：中井積德曰：斗食，計日給幾斗粟也，亦

自有多寡，非一日限一斗。徐孚遠曰：此言翦能將寡也。至其伐楚，又用三十萬，蓋地所宜，伐國與拔城不同故也。愚按古鈔：南本翦上有王字。

取鄴、安陽。

桓齮將。

考證：梁玉繩曰：此所敘攻取之事，錯雜不明，蓋是役也。王翦爲主將，桓齮爲次將，楊端和爲末將，并軍伐趙，攻鄴未得，先取九城。王翦遂別攻闕與、燎陽，而留桓齮攻鄴。翦既取鄴，復令翦攻燎陽，已獨攻闕與，皆取之，故又言取鄴、燎陽。桓齮將也，安陽當作燎陽，必傳寫之誤。安陽卽魏寧新中，無論本非趙地，且前廿餘年已爲

昭王拔之矣。再考王翦傳，但言破闕與、拔九城，而不及鄴、燎陽，足見取鄴、燎陽是翦而非翦。政與紀合，表于趙書曰：秦拔我闕與、鄴，取九城，而失書燎陽于秦表書曰：王翦擊鄴，闕與非

與取九城就前半事言之而亦失書取鄴燎陽至燕世家稱拔鄴九城趙世家僅稱拔鄴則更屬疏脫

十二年文信侯不韋死

竊葬

索隱按不韋飲鴆死其賓客數千人竊共葬於洛陽北芒山

其舍人臨者晉人也逐出之

正義臨力禁反臨哭也若是三晉之人逐出令歸也

秦人六百石以上奪爵遷

正義上音時掌反若是秦人哭臨不韋

者奪其官爵遷移於房陵

五百石以下不臨遷勿奪爵

正義若是秦人不哭臨不韋者不奪官爵亦遷移於房陵

考證亦承舍人中井積德曰秦人皆遷之也但六百石以上臨者奪爵不臨者不奪爵五百石以下臨不臨皆遷之也顧炎武曰五百石以下秩卑任淺故但遷而不奪爵

自今以來操國事不道如嫪毐不韋者籍其門視此

集解徐廣曰

門一作文**索隱**謂籍沒共一門皆爲徒隸後竝視此爲常故也**正義**籍錄其子孫禁不得仕宦**考證**視比也中井積德曰籍其門正義非

秋復嫪毐

舍人遷蜀者當是之時天下大旱六月至八月乃雨十三年

桓齮攻趙平陽

正義括地志云平陽故城在相州臨漳縣西二十五里又云平陽戰國時屬韓後屬趙**考證**梁玉繩曰此平陽在魏郡鄴

縣續志

殺趙將扈輒斬首十萬

正義扈音戶輒張獵反趙之將軍王之河南正月彗